

摩登女解形中六事經

失譯人名 今附東晉錄

佛在舍衛祇阿難邨坻阿藍時阿難持鉢行乞食以隨水行見一女人在水邊持水去阿難從乞水女則與之女便隨阿難至居所處女歸告其母母名摩登女於家委卧而啼母問女何爲啼女言母欲嫁我者莫與他人我於水邊見一沙門從我乞水我隨問名爲阿難我得阿難者乃嫁不得阿難不嫁母即行問阿難阿難者承事佛母即知之還告女言阿難事佛道不肯爲汝作夫女即啼不飯食母知盡道何不導之母出請阿難歸飯女大喜母語阿難我女欲爲卿作妻阿難言我持佛戒不得畜妻母復言我女不得卿作夫者便自殺阿難言我師事佛不得與女人交通

母即入語女言阿難不肯爲汝作夫其有經道者不得畜婦女對母啼言母道所在母言天下道無能過佛道及阿羅漢女復言但爲我閉門戶無令出暮自爲我作夫母即閉門以盡道縛阿難至明曉時母爲布席卧處女大喜便莊飾阿難不肯就卧處母便然火前牽阿難衣語阿難言汝不爲我女作夫者我便擲汝火中阿難自鄙作沙門今日反在此中不能得出即叉手呼佛佛即知之使神脫阿難阿難至佛所言昨日行乞食於水邊見一女人我從乞水明日有人名摩登請我歸飯我出便牽我欲持女與我爲婦我持佛戒不得畜妻女見阿難得脫去於家啼哭母言其有事佛者我道不能勝我本不語汝耶女啼不止續念阿難女明日自行來索阿難復

見阿難行乞食隨阿難背後視阿難足視阿

卷二

十七

難面阿難羞慚低頭不視而避之女復隨不止阿難還歸佛所女復守門阿難不出女啼去歸阿難前白佛言摩登女今日復隨明日復來佛即呼女見之佛言汝追阿難何等索女言我聞阿難無婦我亦無夫我欲爲阿難作妻佛言阿難沙門無髮汝寧剃頭髮我使阿難爲汝作夫女言敢剃頭髮佛言汝歸報母剃頭來女歸到母所言母不能致阿難我自行消息問佛佛言剃頭髮來我使阿難爲汝作夫母言我生護汝頭髮汝何爲與沙門作婦國中有大富豪我自能嫁汝與之女言我死生當與阿難作婦母言汝何爲辱我種女言母愛我者當隨我心所喜母即垂淚下刀剃女頭髮女還到佛所言我已剃頭髮佛

言汝愛阿難何等女言我愛阿難眼愛阿難鼻愛阿難口愛阿難聲愛阿難行步佛言眼中有淚鼻中有涕口中有唾耳中有垢身中屎尿皆臭處其作夫妻者便有惡露惡露中使生子有子便有死亡死亡有哭泣此於身有何等益女即自思惟惡露形中所有正心則得阿羅漢道以得阿羅漢佛語女起至阿難所女慚愧低頭長跪於佛前言實愚癡故逐阿難今我心已開如冥中有燈火如乘船船壞得岸如盲人得扶老人得持杖行今佛與我道我心中開如是諸沙門俱問佛言是女母爲豔道何緣得阿羅漢道佛言諸沙門欲聞知是女不諸沙門言我曹當受教佛言是摩登女先時已五百世爲阿難作婦五百世中相敬重相貪愛於今同於經戒道中得

道於今夫妻相見如兄弟狀是經今諸沙門十八
知女意如是諸沙門則起前為佛作禮

摩登女解形中六事經

音釋

邀音去 蚊音行 蠕音軟 姝昌朱切 弭綿
 也切止妊懷孕也 櫛比之總切 眈美好也 弭綿
 競居陵切 信疑中 達梵語也 觀此云財 過
 種也瓜切矧昨禾切 裸赤體也 嗜喜欲也 勾
 音蓋瞽博孤切 洩他計切 唾湯卧切 邠抵
 乞也中時也 邠彼貧切 邠抵
 邠抵